

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj: 01-02-28773/25
Sarajevo, 05.01.2026. godine

OPĆINA NOVI GRAD SARAJEVO OPĆINSKI NAČELNIK

PREDMET: Vijećnička pitanja i inicijative, dostavlja se

Na 12. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

- a) Vijećničke inicijative

-vijećnica Emina Juzbašić-

Podnosim inicijativu za sanaciju, odnosno farbanje rukohvata na stepeništu u ulici Hajrudina Šabanije, koje povezuje A transverzalu sa stambenom zgradom. Predmetni rukohvat je u lošem stanju, vidno je zahrđao i zbog oštećenja se ne može bezbjedno koristiti. S obzirom na to da se rukohvat koristi primarno kao oslonac starijim osobama i osobama sa invaliditetom, korisnicima dječjih i invalidskih kolica, smatram da je neophodna hitna sanacija radi sigurnosti svih korisnika.

-klub vijećnika SDA -

1. Inicijativa: Zaštita medicinskih sestara i zdravstvenih radnika na radnom mjestu

Poštovani predsjedavajući, poštovane vijećnice i vijećnici,

Želim otvoriti pitanje koje je od izuzetne važnosti za funkcionisanje našeg zdravstvenog sistema, ali i za osnovno ljudsko dostojanstvo onih koji u tom sistemu rade – zaštitu medicinskih sestara i zdravstvenih radnika na radnom mjestu.

Medicinske sestre i tehničari su svakodnevno izloženi različitim oblicima maltretiranja: verbalnim napadima, prijetnjama, ponižavanju, a nerijetko i fizičkom nasilju od strane pacijenata ili njihovih pratnji. Sve se to dešava u uslovima hroničnog nedostatka kadra, preopterećenosti poslom i povećanih očekivanja javnosti, za koja zdravstveni radnici često nisu odgovorni.

Posebno zabrinjava činjenica da su medicinske sestre u velikoj većini žene, što ovu temu čini i pitanjem rodne ravnopravnosti i zaštite žena na radnom mjestu. Umjesto podrške i institucionalne zaštite, one su često prepuštene same sebi, bez jasnih procedura, adekvatne pravne pomoći ili sigurnosnih mjera.

Smatram neprihvatljivim da osobe koje brinu o zdravlju građana rade u atmosferi straha, nesigurnosti i kontinuiranog pritiska. Takvo stanje ne ugrožava samo zdravstvene radnike, već direktno utiče i na kvalitet zdravstvene usluge koju građani dobijaju.

Stoga predlažem sljedeću inicijativu:

1. Da Općinsko vijeće uputi inicijativu prema nadležnim kantonalnim i federalnim institucijama s ciljem donošenja konkretnih mjera zaštite zdravstvenih radnika, posebno medicinskih sestara i tehničara.

2. Da se razmotre izmjene i dopune propisa kojima bi se nasilje nad zdravstvenim radnicima tretiralo strožije, uz jasne sankcije.
3. Da se uvedu ili unaprijede sigurnosni protokoli u zdravstvenim ustanovama, uključujući fizičku zaštitu, video-nadzor i jasne procedure prijave nasilja.
4. Da se zdravstvenim radnicima obezbijedi pravna i psihološka podrška u slučajevima maltretiranja i nasilja.

Ovo nije pojedinačni problem, već sistemski izazov koji zahtijeva institucionalni odgovor. Naša je obaveza da kao Općinsko vijeće damo jasan signal da nasilje nad zdravstvenim radnicima nije i neće biti tolerisano.

Zaštitom medicinskih sestara i zdravstvenih radnika štitimo i javno zdravlje, ali i osnovne vrijednosti društva – poštovanje, sigurnost i dostojanstvo rada.

2. VIJEĆNIČKA INICIJATIVA

Kluba vijećnika SDA u Općinskom vijeću Novi Grad Sarajevo

Izmjena Odluke o visini komunalnih taksi Općine Novi Grad Sarajevo – član 12., tarifni broj 2

Klub vijećnika SDA u Općinskom vijeću Novi Grad Sarajevo podnosi vijećničku inicijativu za izmjenu Odluke o visini komunalnih taksi Općine Novi Grad Sarajevo, u dijelu koji se odnosi na član 12., tarifni broj 2 – poslovni prostori u kojima se priređuju klasične i posebne igre na sreću.

Predlažemo da se iznos komunalne takse za navedeni tarifni broj poveća sa 20.000,00 KM na 35.000,00 KM, odnosno 20.000,00 KM + 15.000,00 KM, i to jednako za sve zone.

Smatramo da je predloženo povećanje opravdano, imajući u vidu visinu prihoda koje ostvaruju priređivači igara na sreću, kao i potrebu jačanja prihoda Budžeta Općine Novi Grad Sarajevo.

Molimo nadležnu općinsku službu da se po ovoj inicijativi pisano očituje te da Općinskom vijeću Novi Grad Sarajevo dostavi prijedlog izmjena navedene Odluke.

Također, tražimo da se na narednoj sjednici Općinsko vijeće Novi Grad Sarajevo o istoj inicijativi izjasni.

3. U ime Kluba vijećnika SDA u Općinskom vijeću Novi Grad Sarajevo

Upućuje se Ministarstvu privrede Kantona Sarajevo i Ministarstvu saobraćaja Kantona Sarajevo.

Ministarstvu saobraćaja Kantona Sarajevo

Molimo da nas informišete koje su aktivnosti i projekti iz oblasti putne infrastrukture realizovani na području Mjesne zajednice Dobroševići u periodu od 2022. godine do danas, uz navođenje konkretnih zahvata i vremena njihove realizacije.

Također, tražimo jasan i precizan odgovor da li je u planu sanacija Dobroševićke ulice, u dužini od oko 2 kilometra, te ukoliko jeste – u kojem vremenskom periodu je planirana realizacija navedenih radova.

Ministarstvu privrede Kantona Sarajevo

Molimo da nas informišete koje su aktivnosti i projekti iz oblasti vodosnabdijevanja realizovani od 2022. godine do danas na području Ahatovića, odnosno gornjeg dijela naselja Dobroševići, uključujući ulice Tjepovački put, Djevojačke vode i Biočki put.

Posebno tražimo informaciju da li su planirane nove ili nastavak postojećih aktivnosti na unapređenju sistema vodosnabdijevanja na navedenom području, te u kojem vremenskom okviru se mogu očekivati konkretni radovi.

Molimo da oba ministarstva dostave pisani odgovor, svako u okviru svoje nadležnosti.

4. INICIJATIVA Zamjena ili uklanjanje dotrajalih drvenih elemenata u Šehidskom mezarju Buljakov Potok

Klub vijećnika SDA u Općinskom vijeću Novi Grad Sarajevo podnosi inicijativu da JU Memorijalni centar Sarajevo, u što kraćem roku, izvrši zamjenu ili uklanjanje dotrajalih drvenih elemenata u Šehidskom mezarju Buljakov Potok.

Na navedenoj lokaciji postoje drveni elementi koji su u izrazito lošem i zapuštenom stanju, te više predstavljaju ruglo nego sadržaj koji doprinosi dostojanstvu šehidskih mezara. Osim estetskog problema, ovakvo stanje predstavlja i potencijalnu opasnost po sigurnost posjetilaca mezarja, s obzirom na dotrajalost i oštećenja materijala.

Smatramo da Šehidsko mezarje, kao mjesto posebnog historijskog, vjerskog i moralnog značaja, mora biti uređeno na način koji odražava poštovanje prema šehidima i njihovim porodicama, ali i osigurava sigurnost svih građana koji ga posjećuju.

U tom smislu, tražimo da nas JU Memorijalni centar Sarajevo pisanim putem informiše o tome koje će se mjere i aktivnosti poduzeti po ovoj inicijativi, kao i o planiranom roku za njihovu realizaciju.

5. Klub vijećnika SDA Novi Grad Sarajevo podnosi inicijativu koja se upućuje nadležnoj općinskoj službi da se u Ahatovičkoj ulici, kod Mjesne zajednice Dobroševići, u što kraćem roku riješi problem odlaganja otpada na navedenoj lokaciji.

Naime, postojeći kapaciteti nisu dovoljni za stvarne potrebe stanovnika, a jedno od postojećih zvana za otpad je u potpunosti uništeno i kao takvo više ne služi svojoj svrsi.

Zbog navedenog tražimo:

postavljanje dodatna dva (2) zvana za otpad,

zamjenu jednog oštećenog i neupotrebljivog zvana novim.

Riječ je o frekventnoj lokaciji, u neposrednoj blizini Mjesne zajednice, gdje se zbog nedostatka i lošeg stanja posuda svakodnevno stvara nered, što s pravom izaziva nezadovoljstvo građana.

Smatramo da je neophodno da nadležna općinska služba u što hitnijem roku reaguje, te tražimo da nam se dostavi pisani odgovor o tome šta je konkretno poduzeto po ovoj inicijativi.

Unaprijed zahvaljujemo na razumijevanju i očekujemo brzo rješenje ovog problema.

6. Klub vijećnika SDA podnosi inicijativu kojom zahtjeva hitnu sanaciju odvođenja oborinskih voda u ulic. Hasiba Brankovića- Švrakino Selo II na lokalitetu kod broja 19.

7. Klub vijećnika SDA podnosi inicijativu za hitnu popravku i sanaciju postojećeg rukohvata u ulic Hasiba Brankovića - Švrakino Selo II na dionici kod kućnog broja 23.

8. Klub vijećnika SDA podnosi inicijativu kojom zahtjeva pokretanje aktivnosti na obnovi i sanaciji sportskog igrališta u ulici Bratunačka Čikma u naselju Buća Potok.

Igralište već godinama se nalazi u zapuštenom i nefukcionalnom stanju. Naglašavamo da na ovom gornjem dijelu Buća Potoka ne postoji drugo igralište u neposrednoj blizini.

9. Klub vijećnika SDA podnosi inicijativu za saniranje oštećenja kolovoza u ulici Hasiba Brankovića - Švrakino Selo II od broja 34-37.

10. Klub vijećnika SDA podnosi inicijativu sanacija udarni rupa u ulici Šerifa Loje sa posebnim fokusom na kritične dijelove u blizini brojeva 2,15,22,i 37.

11. Klub vijećnika SDA podnosi inicijativu sanacija ulice Nusreta Brkića kod broja 12 oštećenje puta na dužini oko 25 metara. Površina asfalta je potpunosti napukla sa znakovima širenja.

12. Klub vijećnika SDA podnosi inicijativu postavljanje znaka slijepa ulica u kraku ulice Izeta Karišića prema Džamiji Bulbulistan broj 25.

13. Klub vijećnika SDA podnosi inicijativu sanacija sistema odvodnje oborinskih voda u ulicama Vrandučka br 7 i Franje Kluz br 61.

14. Klub vijećnika SDA podnosi inicijativu za zimsko održavanje kraka ulice Izet Karišić prema Džamiji Bulbulistan broja 25.

15. -Inicijativa Kluba vijećnika SDA u Općinskom vijeću Novi Grad Sarajevo:

Klub vijećnika SDA u Općinskom vijeću Novi Grad Sarajevo podnosi inicijativu da se u ulicama Djevojačke vode i Tjepovački put, u što kraćem roku, izvrši zamjena postojećih kontejnera za odlaganje otpada, a ukoliko je potrebno i sanacija niša u kojima su kontejneri postavljeni.

Na navedenim lokacijama postojeći kontejneri su dotrajali i neadekvatni za stvarne potrebe stanovnika, što dovodi do neurednog odlaganja otpada i narušavanja higijensko-komunalnih uslova. Također, stanje niša dodatno otežava pravilno korištenje kontejnera i održavanje čistoće.

S obzirom na navedeno, inicijativu upućujemo nadležnoj općinskoj službi, s ciljem hitnog rješavanja ovog problema, u interesu građana i unapređenja komunalnog reda.

U skladu s važećim propisima i Poslovníkom Općinskog vijeća, tražimo pismeni odgovor na ovu inicijativu, s informacijom koje su konkretne mjere poduzete ili će biti poduzete, kao i planiranim rokovima realizacije.

-vijećnik Dino Okerić -

Inicijativa u vezi primjene propisa o energijskoj efikasnosti u sektoru zgradarstva

Pokrećem inicijativu kod Službe za urbanizam, stambene, imovinsko-pravne, geodetske poslove i katastar nekretnina a u vezi primjene propisa o energijskoj efikasnosti u sektoru zgradarstva

Na osnovu Zakona o energijskoj efikasnosti u Federaciji Bosne i Hercegovine, podzakonskih akata donesenih na osnovu istog, kao i u cilju unapređenja energijske efikasnosti, smanjenja potrošnje energije, smanjena emisije stakleničkih gasova i zagađujućih čestica kao i troškova održavanja javnih i privatnih objekata, smanjenja računa za električnu energiju i grijanje građana, podnosim sljedeću inicijativu

Da nadležna Služba, u skladu sa važećom zakonskom regulativom, poduzme mjere na dosljednoj primjeni propisa o energijskoj efikasnosti u sektoru zgradarstva, posebno u dijelu koji se odnosi na:

1. Obavezno provođenje detaljnih energijskih audita i posjedovanje energijskih certifikata za zgrade i dijelove zgrada, u skladu sa važećim Zakonom o energijskoj efikasnosti u Federaciji BiH i Uredbom o provođenju energijskih audita i izdavanju energijskih certifikata (posebno pri ishodovanju Upotrebne dozvole ili legalizacije za kuće i zgrade za koji je pored ostale dokumentacije neophodan energijski certifikat).

2. Kontrolu ispunjenosti zakonskih obaveza prilikom:

-izdavanja urbanističkih saglasnosti i građevinskih dozvola za nove objekte,

-značajnih obnova postojećih zgrada, prodaje, zakupa i davanja objekata u zakup, naročito onih čija korisna površina prelazi 500 m².

3. Obaveznu izradu Elaborata o energijskim karakteristikama zgrada za nove objekte i objekte koji prolaze kroz značajnu obnovu, kao sastavni dio tehničke dokumentacije, u skladu sa Pravilnikom o minimalnim zahtjevima za energijske karakteristike zgrada, prilikom podnošenja zahtjeva za izdavanje odobrenja za građenje (građevinske dozvole), kako je propisano važećim zakonodavstvom

4. Obavezno pribavljanje Studije upotrebe alternativnih sistema snabdijevanja energijom za individualne objekte i grupe objekata, prilikom podnošenja zahtjeva za izdavanje urbanističke saglasnosti, kako je propisano važećim zakonodavstvom.

5. Informisanje investitora, vlasnika objekata i građana o njihovim zakonskim obavezama u oblasti energijske efikasnosti, kroz zvanične web stranice, informativne materijale i savjetodavne aktivnosti.

Obrazloženje inicijative

Primjena mjera energijske efikasnosti u sektoru zgradarstva predstavlja zakonsku obavezu, ali i značajan javni interes, jer doprinosi smanjenju potrošnje energije, nižim troškovima za krajnje korisnike, zaštiti okoliša, smanjenju emisija stakleničkih gasova i zagađujućih čestica, poboljšanju kvaliteta zraka i usklađivanju sa evropskim standardima. Dosljedna primjena energijskih audita,

certifikata i prateće dokumentacije omogućava dugoročne ekonomske i ekološke koristi, naročito u javnom sektoru i stanovnika Općine.

Prijedlog

Predlaže se da nadležna služba razmotri ovu inicijativu i dostavi Vijeću informaciju o postojećem stanju, kao i prijedlog mjera za unapređenje primjene propisa iz oblasti energetske efikasnosti na području Općine.

Napominjemo da druge lokalne samouprave u Kantonu Sarajevo vrše snažnu primjenu propisa o energetske efikasnosti u sektoru zgradarstva.

ZAKONSKA REGULATIVA

1. ZAKON O ENERGIJSKOJ EFIKASNOSTI U FEDERACIJI BiH („Službene novine Federacije BiH“, broj 22/17)

U skladu sa Zakonom o energetske efikasnosti u Federaciji BiH:

Član 4. i 5. Zakona propisuju obavezu unapređenja energetske efikasnosti u svim sektorima krajnje potrošnje energije, uključujući sektor zgradarstva;

Član 18, 19. i 20. Zakona propisuju obavezu provođenja energetskih audita i posjedovanja energetskih certifikata za zgrade i dijelove zgrada;

Član 21. Zakona propisuje da energetske audite i energetsko certificiranje mogu obavljati isključivo ovlaštena pravna i fizička lica;

Član 24. Zakona propisuje obavezu investitora da prilikom planiranja i izgradnje novih objekata primjenjuju mjere energetske efikasnosti.

2. UREDBA O PROVOĐENJU ENERGIJSKIH AUDITA I IZDAVANJU ENERGIJSKOG CERTIFIKATA („Službene novine Federacije BiH“, broj 87/18)

U skladu sa ovom Uredbom:

Član 6. i 7. propisuju obavezu posjedovanja energetskog certifikata za:

- nove zgrade,
- postojeće zgrade koje se prodaju, iznajmljuju ili daju u zakup,
- zgrade javne namjene sa korisnom površinom većom od 500 m²;
- Član 9. propisuje da energetski certifikat mora biti izrađen prije izdavanja upotrebne dozvole, odnosno prije stavljanja objekta u promet;
- Član 14. propisuje obavezu isticanja energetskog certifikata u zgradama javne namjene.

3. PRAVILNIK O MINIMALNIM ZAHTJEVIMA ZA ENERGIJSKE KARAKTERISTIKE ZGRADA („Službene novine Federacije BiH“, broj 81/19)

U skladu sa ovim Pravilnikom:

-Član 5. i 6. propisuju da se za sve nove zgrade i za značajne obnove postojećih zgrada mora izraditi Elaborat o energetskim karakteristikama zgrade;

•Član 7. propisuje da je Elaborat sastavni dio tehničke dokumentacije koja se prilaže uz zahtjev za dobijanje građevinske dozvole;

-Član 12. propisuje da zgrada, ukoliko je izgrađena u skladu sa Elaboratom, ispunjava minimalne zahtjeve energetske efikasnosti propisane Pravilnikom.

4. STUDIJA UPOTREBE ALTERNATIVNIH SISTEMA SNABDIJEVANJA ENERGIJOM

U skladu sa Zakonom o energetske efikasnosti u FBiH i pratećim propisima:

prilikom podnošenja zahtjeva za izdavanje urbanističke saglasnosti za individualne objekte i grupe objekata, investitor je dužan priložiti Studiju upotrebe alternativnih sistema snabdijevanja energijom, kojom se analizira mogućnost korištenja obnovljivih i visokoučinkovitih sistema.

ZAHTJEV IZ INICIJATIVE

S obzirom na navedene zakonske i podzakonske obaveze, predlaže se da nadležna služba:

1.izvrši kontrolu primjene navedenih propisa u postupcima izdavanja urbanističkih saglasnosti, građevinskih i upotrebni dozvola;

- 2.informiše Vijeće o stepenu primjene energetskih audita i certifikata na području Općine;
- 3.osigura da se u budućim postupcima ne izdaju dozvole bez propisane energetske dokumentacije.

-Vijećnik Almir Džindo-

1. Molim da mi se dostavi informacija o broju održanih sjednica radnih tijela Općinskog vijeća u 2025. godini, za svako radno tijelo posebno, sa uporednim pokazateljima sa 2024. i 2023. godinom.
2. Podnosim inicijativu preme Službi za inspeksijske poslove da pokrenu proceduru uklanjanja betonske barijere u ulici Džemala Bijedića kod restorana Begova Bašta na parceli označenoj kao 3576/3 KO Novo Sarajevo sa trotoara kako bi se građani mogli nesmetano kretati.

-vijećnik Bojan Vučković-

Podnosim inicijativu da se stavi u funkciju rasvjeta na 4 postojeća stuba u ulici Milana Preloga od Raiffeisen banke pa sve do prodavnice Eksprom

Obrazloženje:

Rasvjeta i osvjetljenje u ulici Milana Preloga koja se naslanja na ulicu Azize Šaćirbegović već godinama predstavlja veliki sigurnosni rizik za stanovnike ovog dijela ovog naselja. Rasvjeta nije dovoljno dobra, rasvjetni stubovi su postavljeni previsoko, a i tehnologija rasvjete ne daje dovoljno osvjetljenja. Nažalost veliki dio pješaka prelazi ovu cestu i mimo pješačkih prelaza, na dijelovima između dva rasvjetna stuba i jako ih je teško uočiti od strane vozila koji se kreću ovom cestom što predstavlja veliki sigurnosni rizik za sve sudionike.

Dodatno situaciju otežava i podatak da na dijelu ove ceste od Raiffeisen banke pa sve do prodavnice Eksprom, postoje 4 neiskorištena stuba na kojima se uopšte ne nalaze izvori rasvjete. Svi ostali stubovi su u funkciji, cijelom dužinom od ulice Azize Šaćirbegović (u Opštino Novo Sarajevo) do Bosmala, samo ova četiri nisu.

Stoga molim da nadležna služba uputi inicijativu prema KJKP "Park" d.o.o. Sarajevo za instalacijom rasvjete i na ova 4 stuba.

-Vijećnica Selma Alić-

1.Podnosim vijećničku inicijativu prema Službi za investicije Općine Novi Grad da iznađu finansijska sredstva za postavljanje sfernog ogledala u ulici Branislava Nušića na izlazu iz kraka pomenute ulice brojevi 55 do 73.

Za automobile koji se kreću iz dijela ulice Asima Behmana kroz ulicu Branislava Nušića kod spoja dijelova saobraćajnice preko puta broja 25 ulice B.Nušića kod trafo stanice gdje je izgrađena nova zgrada također je neophodno postavljanje sfernog ogledala. Sferno ogledalo je tu bilo do prije 4 do 5 mjeseci.

Napominjem da su već upućivani isti zahtjevi putem Mjesne zajednice Saraj polje.

Obrazloženje

Građani na tako malu investiciju,a tako za njih značajnu čekaju već duži period. Ulica Branislava Nušića od ulaza iz Aleje Bosne Srebrene i iz ulice Asima Behmana do Osnovne škole Aleksa Šantić je sve prometnija i tražena ogledala su neophodna zbog sigurnosti saobraćaja.

2. Podnosim urgenciju na inicijativu iz mjeseca Aprila 2025.godine za rekonstrukciju igrališta vrtića „Anex“.

Obrazloženje

Uvidom u trenutno stanje potrebna je sanacija igrališta/dvorišta jer je trenutno nesigurno za igru mališana koji borave u vrtiću. Odgovor nadležne službe u mjesecu aprilu je bio da će Općina sagledati

mogućnost finansijske podrške koji je upućen od strane vrtića za navedeni prostor, ali do danas se ništa nije promjenilo. Sigurnost najmlađih treba nam biti prioritet, a ne da dozvolimo kao lokalna zajednica novo proljeće sa istim problemom.

3. Inicijativa

Predlažem da se u Planu javnih nabavki za 2026.godinu predvidi stavka koja bi omogućila donošenje saobraćajnog elaborata za uspostavljanje jednosmjernog režima saobraćaja u ulici Brčanska od broja 14 do spoja sa ulicom Žrtava fašizma broj 2 naselje Otoka.

-Vijećnik Vernes Ćosić-

1. SANACIJE DVIJE TRAKE ULICE IZMEĐU ULICA VAHIDE MAGLAJLIĆ I MIROSLAVA KRLEŽE

Obrazloženje prijedloga inicijative:Prilikom izrade ove ulice davne 1983. godine nije rađena njena sanacija i nalazi se u veoma loše stanju i zahtjeva hitnu sanaciju. Moram napomenuti da je u ratu ovu bila linija razgraničenja

2. SANACIJE ULICE VAHIDE MAGLAJLIĆ

Obrazloženje prijedloga inicijative: Prilikom izrade ove ulice davne 1983. godine nije rađena njena sanacija i nalazi se u veoma loše stanju i zahtjeva hitnu sanaciju.

-vijećnik Jasmin Smječanin-

Na današnji dan prije četiri godine, podnio sam inicijativu da se rahmetli Hadži Aslani Šoku dodijeli općinski stan na korištenje. Za kolege vijećnike koji možda ne znaju njegovu životnu priču Šok je u Sarajevo došao iz Kumanova, dobrovoljno, da se bori u odbrani Bosne i Hercegovine od agresora.

Bio je član Diverzantskog voda Druge viteške brigade Armije RBiH – borac koji je dao sve što je imao: snagu, hrabrost, mladost i odlučnost da brani ovu zemlju kao da je njegova rođena. Kada je rat prestao, Šok je prvo bio beskućnik. Njegov saborac, Aziz Kalaba, iz najbolje namjere, smjestio ga je u neomaltanu sobu, bez grijanja i šporeta – jer u tom trenutku nije imao ništa bolje.

Nakon moje inicijative, Općina mu je dodijelila stan na korištenje. Kako bi priča o Šoku, njegovoj hrabrosti i žrtvi, ostala zabilježena za buduće generacije, podnosim inicijativu da se na području MZ Alipašin Most I, ili u okolnim mjesnim zajednicama, jedna od ulica nazove po rahmetli Hadži Aslani Šoku kako bi se trajno ostavio trag o njegovoj hrabrosti, nesebičnoj žrtvi i činjenici da je mladić iz Kumanova došao braniti naš grad i ovu općinu, a potom ovdje i ostao, potpuno sam, bez porodice i najbližih.

Bosna i Hercegovina imala je i ima mnogo neznanih junaka – ljudi koji su se hrabro borili u Armiji RBiH i dali svoj život za nezavisnu i slobodnu državu BiH. Međutim žrtva rahmetli Hadži Aslani Šoka je posebno značajna. Rođen izvan Sarajeva, cijeli rat proveo je u akcijama, na prvim linijama, nesebično braneći ovaj grad i ovu zemlju, bez ikakvih nagrada, priznanja ili posebnog oblikovanja svoje hrabrosti.

-vijećnik Almir Maslo-

1.Podnosim inicijativu za izgradnju i postavljanje usporivača brzine, kao i za popravku i unapređenje vertikalne saobraćajne signalizacije upozorenja u blizini O.Š. Ćamil Sijarić tj izgradnja usporivača brzine na trenutnom pješačkom prelazu.

Obrazloženje-Imajući u vidu da se radi o školskoj zoni,gdje se svakodnevno kreće veliki broj djece i roditelja koji gravitiraju prema O.Š Ćamil Sijarić iz Aerodromskog naselja te da je na ovom području pojačan intenzitet saobraćaja i učestalo nepoštivanje saobraćajnih propisa prvenstveno ograničenja brzine neophodno je da se preduzmu dodatne mjere radi povećanja bezbjednosti svih učesnika u saobraćaju.

Postavljanje usporivača brzine zajedno sa sanacijom i jasnim obilježavanjem vertikalne svijetleće signalizacije koja trenutno nije u funkciji doprinijelo bi se smanjenju brzine kretanja vozila i pravovremenom upozorenju vozača.

2.Inicijativa za unapređenje saobraćaja na području Mjesne zajednice Dobrinja A

Obrazloženje

Podnosim inicijativu za postavljanja uzdignutih ivičnjaka u ulici Branislava Nušića konkretno na dionici kod Biroa za zapošljavanje Novi Grad Sarajevo i marketa Deny i HAIR i u nastavku koja prelazi u Ulicu Trg Grada Prato kod BH Pošte i ukoliko je moguće postaviti i plastične barijere između dvije kolovozne trake kako bi se spriječilo nepropisno zaustavljanje i parkiranje vozila na saobraćajnici.

Obrazloženje - Na navedenim lokacijama je prisutan svakodnevni problem nepropisnog zaustavljanja i parkiranja vozila u saobraćajnoj traci i na pješačkim stazama čime se znatno ugrozava sigurnost svih učesnika u saobraćaju.Ovakva praksa povećava rizik od saobraćajnih nezgoda jer drugi vozači su prinuđeni da obilaze zaustavljena vozila dok su pješaci primorani da se kreću kolovozom uslijed blokiranih pješačkih staza.

Smatram da bi postavljanje uzdignutih ivičnjaka predstavljalo efikasno i trajno rješenje ovog problema te bi značajno doprinijelo povećanju sigurnosti saobraćaja i zaštiti pješaka na navedenim lokacijama.

3.Inicijativa za izgradnju pješačkih staza u ulici Sulejmana Filipovića kod brojeva 1-6

Obrazloženje

Podnosim inicijativu za izgradnju pješačke staze u ulici Sulejmana Filipovića od brojeva 1-6 s obzirom da građani ove ulice koriste saobraćajnicu za kretanje s obzirom da parkirana vozila duzinom cijele ulice Sulejmana Filipovića onemogućavaju pješake da se na sigurniji način kreću do svojih ulaza.

4.Inicijativa za izgradnju I uređenje parking prostora u ulici Branislava Nušića kod brojeva 134 I 134 A

Obrazloženje

Stanari ovog dijela ulice već duze vrijeme imaju izrazen problem sa nedostatkom parking mjesta ali ono što je specifično I pozitivno jeste činjenica da se u neposrednoj blizini stambenih zgrada kod broja 134 I 134A nalazi zemljište koje se trenutno koristi za parkiranje vozila ali taj prostor bi trebalo uz određena ulaganja preurediti tj pretvoriti ga u funkcionalan parking prostor I imali bi zaista riješen problem stanovnika ove ulice.

Smatram da bi uređenje trenutnog stanja nivelacijom terena,asfaltiranje,obilježavanja parking mjesta značajno unaprijedilo izgled I funkcionalnost javnog prostora I I same uslove parkiranja za stanare.

Molimo nadležne službe da razmotre ovu inicijativu,izvrse uvid u stanje na terenu I u skladu sa planskom dokumentacijom I mogućnostima preduzmu odgovarajuće korake za realizaciju inicijative.

5.Inicijativa za usklađivanje saobraćajne signalizacije na transferzali Mihaela Šumahera

Obrazloženje

Obraćam se sa inicijativom za ispravku i usklađivanje horizontalne i vertikalne signalizacije na transferzali Mihaela Šumahera, odnosno na dijelu saobraćajnice ulice Branislava Nušića i Transverzale Mihaela Šumahera, gdje je omogućeno skretanje sa odgovarajućom vertikalnom signalizacijom postoji znak dozvoljeno skretanje, međutim trenutno je iscrtna dupla puna linija iako bi u skladu sa realnim saobraćajnim potrebama trebalo da bude obilježena isprekidana linija. Zbog toga učesnici u saobraćaju imaju poteškoće prilikom uključivanja i isključivanja iz saobraćaja, kao i česte probleme sa policijskim organima. Problem predstavlja neusaglašena horizontalna i vertikalna signalizacija, jer je postavljena vertikalna signalizacija koja dozvoljava skretanje dok horizontalna signalizacija to praktično onemogućava. Ovakva situacija stvara zabunu, narušava bezbjednost saobraćaja i dovodi do neujednačenog tumačenja propisa. Molim nadležne službe da razmotre ovu inicijativu i poduzmu odgovarajuće mjere u cilju rješavanja navedenog problema.

-vijećnica Aida Ožegović-

Podnosim inicijativu za postavljanje/izgradnje zaštitnih rukohvata u ulici Enesa Herića, zbog izraženog problema sigurnosti pješaka.

Ulicu koriste i djeca – učenici koji se kreću prema Osnovnoj školi „Umihana Čuvidina“, kao i starije osobe. Zbog konfiguracije terena, nepostojanja adekvatne zaštite i blizine kolovoza, kretanje pješaka je otežano i potencijalno opasno, naročito u zimskim uslovima i pri povećanoj frekvenciji saobraćaja.

Stanovnici ulice su se već obraćali nadležnoj službi sa zahtjevom za postavljanje/izgradnju rukohvata, imajući u vidu da bi se na taj način značajno unaprijedila sigurnost pješaka, ali i vozača motornih vozila, te prevenirale moguće nesreće.

-vijećnica Hana Keč-

Upućujem sljedeće vijećničko pitanje općinskom načelniku i nadležnim službama o apliciranju Općine Novi Grad Sarajevo na javne pozive Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

- Da li je Općina Novi Grad Sarajevo aplicirala na Javni poziv za podnošenje prijave za sufinansiranje povećanja energetske efikasnosti u objektima individualnog i kolektivnog stanovanja na području Kantona Sarajevo?

- Da li je Općina Novi Grad Sarajevo aplicirala na Javni poziv za podnošenje prijave za sufinansiranje sanacije objekata oštećenih usljed ratnih dejstava na području Kantona Sarajevo?

Obrazloženje

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo redovno objavljuje javne pozive koji direktno utiču na standard života naših sugrađana.

Povećanje energetske efikasnosti je ključno za smanjenje zagađenja zraka i troškova grijanja, dok je sanacija ratnih oštećenja moralna i zakonska obaveza prema građanima koji i decenijama nakon rata žive u neuslovnim ili nesigurnim objektima. S obzirom na to da su budžeti ovih poziva značajni, smatram neophodnim da Općina Novi Grad, kao najmnogoljudnija općina, bude proaktivna u povlačenju ovih sredstava.

-vijećnik Damir Filipović-

Pitanja prema Općinskom načelniku:

1. U kojem svojstvu je načelnik Semir Efendić boravio u posjeti Sjedinjenim Američkim Državama – kao Općinski načelnik Općine Novi Grad Sarajevo ili kao predsjednik političke stranke (Stranke za BiH)? – S obzirom da jedan članak posjetu predstavlja u kontekstu općinskih aktivnosti, dok drugi jasno naglašava stranački kapacitet i funkciju predsjednika političke stranke, neophodno je razjasniti u kojem je svojstvu put realizovan.

2. Da li je za navedenu posjetu donesena službena odluka Općine Novi Grad Sarajevo o službenom putovanju načelnika, te ako jeste, molimo da se dostavi podatak o datumu, pravnom osnovu i svrsi putovanja?

3. Koliki su ukupni troškovi putovanja u Sjedinjene Američke Države (avionske karte, smještaj, dnevnice, drugi troškovi), te iz kojih izvora su isti finansirani, konkretno, da li su troškovi u cijelosti ili djelimično finansirani iz Budžeta Općine Novi Grad Sarajevo?

4. Da li je, po povratku sa putovanja, sačinjen pisani izvještaj o službenom putu sa jasno naznačenim sastancima, rezultatima i koristima za Općinu Novi Grad Sarajevo

2. Pitanja prema Općinskom načelniku i nadležnoj općinskoj službi:

1. Na raskrsnici – priključku ulica Branislava Nušića i Hajrudina Šabanije na A-transferzali, evidentirano je da su realizovani radovi čija ukupna vrijednost prelazi ugovoreni iznos, pri čemu je Ministarstvo saobraćaja Kantona Sarajevo plaćalo privremene i okončane situacije isključivo do visine ugovorene vrijednosti.

S tim u vezi, molimo pojašnjenje: na osnovu kojeg pravnog i proceduralnog osnova su okončani radovi koji prelaze ugovoreni iznos, da li je za iste proveden pregovarački postupak ili drugi postupak javne nabavke, te da li je prije preuzimanja finansijskih obaveza pribavljena saglasnost resornog ministarstva, što je bila obaveza u skladu sa važećim propisima?

3. Zadužuje se Općinski načelnik da Općinskom vijeću Općine Novi Grad Sarajevo, u roku od 60 dana, dostavi informaciju o broju izgrađenih objekata na području Općine Novi Grad Sarajevo koji nisu ishodovali odobrenje za građenje, za period od isteka posljednjeg zakonskog roka tj. roka predviđenog posljednjom Odlukom o legalizaciji za podnošenje zahtjeva za legalizaciju do dana dostavljanja informacije, a koja će naročito sadržavati:

- ukupan broj evidentiranih bespravno izgrađenih objekata,
- razdvajanje prema namjeni objekata (stambeni, stambeno-poslovni, poslovni, pomoćni),
- podatke o fazi izgradnje u kojoj su objekti evidentirani,
- pregled lokacija po mjesnim zajednicama,
- informaciju o preduzetim inspekcijskim mjerama po tim objektima.

-Vijećnik Mirza Memišević-

1. Uspostavljanje javnih toaleta na frekventnim lokacijama

Upućuje se inicijativa nadležnim općinskim službama da se pristupi uspostavljanju javnih toaleta na frekventnim i javno značajnim lokacijama na području Općine Novi Grad Sarajevo.

Posebno se ukazuje na potrebu postavljanja javnih toaleta u blizini parkova, pješačkih zona, većih stajališta javnog prijevoza i prostora s pojačanim kretanjem građana.

Predlaže se razmatranje savremenih, modularnih i samoodrživih rješenja, uz jasno definisan model održavanja.

2. Postavljanje zaštitnih stubova ispred kontejnerske nadstrešnice u ulici Majdanska

U ulici Majdanska, nakon rekonstrukcije saobraćajnice, prostor ispred kontejnerske nadstrešnice koristi se kao parking, čime se onemogućava pristup i pražnjenje kontejnera od strane KJKP „RAD“.

Zbog toga se kontejneri iznose van nadstrešnice, što dodatno narušava higijenu i funkcionalnost prostora.

Predlaže se:

- postavljanje fiksnih zaštitnih stubova (barijera) ispred nadstrešnice, kako bi se spriječilo parkiranje i omogućilo nesmetano obavljanje komunalnih usluga.

3. Najam javnih površina u 2021. godini

Upućujem pitanje nadležnoj općinskoj službi:

1. Da li je Općina Novi Grad Sarajevo tokom 2021. godine izdavala u najam javne površine?
2. Koliko je rješenja/ugovora o korištenju javne površine izdato u 2021. godini, uz poseban osvrt na područje Dobrinje?
3. Koliki je ukupan iznos sredstava naplaćen po ovom osnovu u 2021. godini, te koliki dio tog iznosa se odnosi na Dobrinju?
4. Po kojem pravnom osnovu su javne površine davane u najam i da li su svi korisnici izmirili obaveze?

4. Zahtjev Komisiji za izbor i imenovanja – Pregled imenovanja po komisijama

Upućuje se zahtjev Komisiji za izbor i imenovanja da dostavi precizan i ažuriran spisak imenovanja po svim komisijama Općinskog vijeća Novi Grad Sarajevo.

Traži se da pregled sadrži:

- naziv komisije,
- imena i prezimena aktuelnih članova,
- klub ili političku stranku koja je predložila svakog člana,
- podatke o ranijem sastavu komisija (razrješenja i nova imenovanja).

Cilj je omogućiti uvid u zastupljenost političkih subjekata i promjene u sastavu komisija.

5. Projekat izgradnje kongresnog centra

Upućuje se pitanje nadležnim općinskim službama:

1. U kojoj je fazi bio planirani projekat izgradnje kongresnog centra?
2. Zašto realizacija projekta nije započela, odnosno zašto nije realiziran?
3. Koliko je sredstava Općina potrošila na pripremu projekta (studije, projekti, usluge)?
4. Da li je projekat obustavljen, odgođen ili se i dalje planira njegova realizacija?

-Vijećnica Edita Šandal -

1. Podnosim inicijativu prema JU Dom zdravlja Kantona Sarajevo za uvođenje dodatnih mjera fizičke zaštite u ambulanti Buća Potok i da se izdvoje sredstva za unapređenje fizičke zaštite.

Povod za ovu inicijativu su nedavni fizički i verbalni napadi na medicinsko osoblje, koji su izazvali ozbiljnu zabrinutost među uposlenicima, ali i korisnicima zdravstvenih usluga. Posebno naglašavam da su incidenti u ambulanti Buća Potok učestali, te da postoji realan i kontinuiran sigurnosni rizik po zdravstvene radnike koji svakodnevno obavljaju svoj posao u otežanim i nesigurnim uslovima.

S tim u vezi, predlažem da se u navedenom objektu izvrši instalacija panik alarma povezanog sa nadležnim službama, postavljanje video-nadzora, dodatne tehničke i organizacione mjere koje će povećati nivo sigurnosti.

Smatram da je zaštita medicinskog osoblja prioritet, te da je prevencija nasilja jedini ispravan odgovor institucija na sve učestalije napade u zdravstvenim ustanovama. Pravovremenim djelovanjem spriječiti će se teže posljedice i poslati jasna poruka da nasilje nad zdravstvenim radnicima neće biti tolerisano.

Očekujem da JU Dom zdravlja Kantona Sarajevo razmotri ovu inicijativu i u što kraćem roku poduzme konkretne korake u cilju osiguranja sigurnog radnog okruženja.

2. Podnosim inicijativu prema JU Dom zdravlja Kantona Sarajevo za hitno uvođenje druge smjene u ambulanti porodične medicine Brijesće.

Potreba za drugom smjenom je nesporna i višegodišnja, posebno imajući u vidu činjenicu da ambulanta trenutno raspolaže sa samo jednim timom porodične medicine koji opslužuje oko 3.000 pacijenata-zdravstvenih kartona, što je iznad realnih i održivih kapaciteta jednog tima.

Istovremeno, ambulanta porodične medicine na području MZ Alipašino Polje – C faza nedavno je dobila dodatni tim, iako raspolaže sa znatno manjim brojem kartona. Ovakav pristup ukazuje na neujednačene kriterije u raspodjeli zdravstvenih timova i dovodi građane Brijesća u neravnotežan položaj.

Zbog svega navedenog iniciram da JU Dom zdravlja KS, u skladu sa stvarnim potrebama stanovništva i principima jednakog pristupa zdravstvenoj zaštiti, bez odlaganja uvede dodatni tim u ambulanti Brijesće.

3. Podnosim inicijativu za izgradnju šahovskog polja za penzionere na prostoru između Trg nezavisnosti broj 1 i 2, na prostoru gdje su ranije uklonjene kućice i montažni objekti.

Predmetni prostor je trenutno neiskorišten, a realizacijom ove inicijative stvorio bi se prostor za društveni život, rekreaciju i socijalnu uključenost penzionera ali i ostalih građana koji vole šah.

4. Podnosim vijećničku inicijativu za postavljanje natkrivenih autobuskih stajališta ulicom Safeta Zajke od Buća Potoka do Zabrđa tamo gdje ista ne postoje, u ulici Avde Palića kod Amko marketa, na kombi okretalji u ulici Izeta Karšića, okretalji na spoju ulica Adema Buće i Kralja Stjepana Tomaševića, te na okretalji u MZ Alipašin most I.

-vijećnik Adis Šahmanija:

Podnosim inicijativu za poronalaženje i kupovinu zemljišta i izgradnju trafostanice na području Mjesne zajednice Reljevo. Razlog za podnošenje ove inicijative je problem slabog napona električne energije, čistih oscilacija i povremenih prekida u snabdijevanju električnom energijom, što značajno otežava svakodnevni život stanovnika, ali i normalno funkcionisanje domaćinstava, privrednih subjekata i javnih ustanova. Izgradnjom nove trafostanice značajno bi se unaprijedila stabilnost i kvalitet elektroenergetskog sistema u ovom naselju, smanjili bi se kvarovi i gubici na mreži, te stvorili uslovi za dalji razvoj i eventualnu novu stambenu ili privrednu izgradnju. Predlažem da nadležna općinska služba, u saradnji s elektrodistributivnim preduzećem, izvrši analizu potreba, utvrdi najpovoljniju lokaciju, te pokrene proceduru obezbjeđivanja finansijskih sredstava za realizaciju ovog projekta.

-vijećnik Adi Škaljić:

Upućujem inicijativu za postavljanje moderne svjetlosne signalizacije pješačkih prelaza, koja stvara pozitivan kontrast između osobe kolnika, na tri lokacije u Općini Novi Grad Sarajevo i to:

- <https://maps.app.goo.gl/xEYz1PZPdN8WrZsR7> (Dobrinja, između Trga sarajevske olimpijade i Trga djece Dobrinje);

- Ulica Braće Mulić, kod Osnovne škole Ćamil Sijarić i

- Šejha Huseina Bakri Gaza, kod dječijeg sela SOS.

O B R A Z L O Ž E N J E Postavljanje moderne svjetlosne signalizacije na kritičnim tačkama direktno povećava sigurnost pješaka kao najranjivije grupe učesnika u saobraćaju. Trenutna slaba vidljivost, naročito u uslovima noćne kiše, stvara opasne situacije jer refleksija svjetla na mokrom kolovozu drastično smanjuje moć zapažanja vozača. Implementacija pametnih senzora i LED osvjetljenja omogućava pravovremenu reakciju vozača, dajući im jasan vizuelni znak da se pješak nalazi na kolovozu. Ovakva rješenja ne samo da smanjuju broj saobraćajnih nezgoda, već i povećavaju subjektivni osjećaj sigurnosti građana koji se kreću pješice tokom loših vremenskih prilika.

-vijećnik Enes Husejnović:

Inicijativa za zamjenu neispravnih kontejnera i uređenje lokacije "iznad Sarixa" za smještaj kontejnera.-
Obraćam se sa inicijativom da se izvrši zamjena neispravnih kontejnera (min 4 komada) na lokaciji "iznad Sarixa" u ulici Adema Buće.

Pored toga tražim da se uredi lokacija za smještaj kontejnera na tom mjestu.

Obrazloženje:

Općina Novi Grad Sarajevo je 27.12.2025. počela sa izvođenjem radova za smještaj kontejnera na lokaciji "iznad Sarixa" u ulici Adema Buće.

Napominjem da je to jedina lokacija za konejnere na dijelu ulice A. Buće od Zraka do Starog sjaja (skretanje za brdo Žuč)

Urađena je niša za smješaj dva kontejnera. Nakon intervencije obećano je da će biti izgrađena niša za 4 kontejnera, te da će radovi biti izvedeni u prvoj polovini januara 2026. što je za svaku pohvalu jer dva kontejnera nisu dovoljna za odlaganje komunalnog otpada na tom području (nekada bilo 5 kontejnera). Postojeći kontejneri (3 komada) na toj lokaciji su neispravni, protruhli, šuplji i ne obavljaju funkciju tako da ih je neophodno zamjeniti (min 4 komada, jer će biti izgrađena niša za 4 kontejnera).

Pored, toga neophodno je urediti lokaciju za dogradnju niše za još dva kontejnera na toj lokaciji. Naime, radnici KJKP Rad prilikom utovara otpada koji se nalazio pored kontejnera, a isto vrše vozilom sa kašikom za utovar, oštetili su lokaciju na način da je stvorena rupa dužine oko 6 m, dubine 1 m i širine 1m u koju se prikupljaju podzemne vode i pomješane sa otpadom stvaraju smrad, a također devastiraju pješački trotoar i kolovoz.

Prije nego što se pristupi proširenju niše za još 2 ili ako je moguće 3 kontejnera, neophodno je sanirati lokaciju na način da se naspe zemljom i tamponom, dobro uvalja i uradi betoniranje završnog sloja u visini trotoara.

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. a/a